



Куч-АДОЛАТДА

2011 йил,
29 декабрь,
пайшанба
№ 51 (357)

Ўзбекистон Республикаси Олий судининг ҳуқуқий газетаси

http://www.supcourt.uz

1998 йил 29 августдан чиқа бошлаган.

ЯРАТУВЧАНЛИК ВА БУНЁДКОРЛИК САЛОҲИЯТИ

эришаётган ютуқларимизнинг энг муҳим омилидир

Биз доимо орзиқиб кутаётган Янги йил байрами бу йил ҳам ўзгача шуқуқ ва завқ билан кириб келмоқда. Мамлакатимизнинг барча шаҳару қишлоқлари аллақачон байрам кайфиятига чулганган. Зеро, обод ва кўркам, осуда юртимизга байрамлар ярашади.

Айтиш керакки, ҳар доим янги йил арафасида ортга бир назар ташлаб, қилаётган ишларимизни бир сарҳисоб қилишга одатланганмиз.

Шу маънода якунига етаётган 2011 йил **“Кичик бизнес ва хусусий тадбиркорлик йили”** деб эълон қилинган ва айни шу йўналишда кўламли ислохотлар амалга оширилгани барчамизни қувонтиради. Зеро, кичик бизнес ва хусусий тадбиркорлик бугунги кунда жамиятимиздаги ижтимоий ва сийсий барқарорликнинг кафолати ва таянчига, юртимизни тараққиёт йўлидан фаол ҳаракатлантирадиган кучга айланиб улгурди.

Президентимиз таъкидлаганидек, **кичик бизнес ва хусусий тадбиркорликнинг мамлакатимиз тараққиётида, авваламбор, халқимиз учун муносиб ҳаёт барпо этиш, олдимизда турган мураккаб ва масъулиятли вазифаларни амалга ошириш борасида қандай ҳал қилувчи ўрин ва таъсирга эга бўлиб бораётганига бугун амалий ҳаётимизда ҳар қадамда гувоҳ бўлмоқдамиз. Ва бу соҳа эртанги кунимиз, истиқболимизнинг ҳақиқатан ҳам, мустақкам пойдеворига айланиб, янада ривожланиб бориши аниқ ва муқаррардир.**

Шу ўринда қайд этиш жоизки, **“Кичик бизнес ва хусусий тадбиркорлик йили”** муносабати би-

лан қабул қилинган Давлат дастури асосида соҳага оид янги қонунлар, фармон ва қарорлар қабул қилинган уларнинг фаолият самарадорлиги ошишига улкан замин яратди. Шу асосда берилган янги имтиёз ва преференциялар, қулайликлар бу йўналишни янги босқичга кўтаришда муҳим амалий қадам бўлди. Жумладан, кичик бизнес субъектларини улар давлат рўйхати олинган пайтдан бошлаб дастлабки режали солиқ текширувларидан ўтказмаслик муддати 2 йилдан 3 йилга узайтирилди. Барқарор ўсиш суръатлари ва рентабеллини таъминлаган субъектларни текширишдан ўтказиш мутлақо тақиқланди. Давлат ва назорат органларининг тадбиркорлик субъектлари молия-ҳўжалик фаолиятига аралашувини кескин қисқартиришнинг ҳуқуқий асослари мустаҳкамланди.

Кичик бизнес ва хусусий тадбиркорлик субъектлари учун ягона солиқ тўлови ставкаси жорий йилда 7 фоиздан 6 фоизга туширилгани, бу кўрсаткич келаётган 2012 йилда 5 фоизни ташкил этиши, янги ташкил этилаётган кичик корхоналарни рўйхатдан ўтказиш пайтидаги ва ундан кейинги тартиб-қоидаларни янада соддалаштириш бўйича амалга оширилган чора-тадбирлар соҳа ривожига муҳим аҳамият касб этаётир.

(Давоми иккинчи бетда)



Ўзбекистон истиқлолга эришгач, ўз тараққиёт йўлини аниқ белгилаб олганлиги изчил ва босқичма-босқич амалга оширилаётган ислохотлар натижаларида ҳам ўз тасвиғини топмоқда. Жумладан, ислохотлар жараёнининг муҳим таркибий қисми ҳисобланган ижтимоий-иқтисодий, давлат ва жамият қурилиши ҳамда фуқароларнинг ҳуқуқ ва эркинликлари ҳимоясига қаратилган суд-ҳуқуқ соҳасида муҳим ўзгаришлар ва янгилликлар амалга оширилмоқда. Мустақиллик йилларида ушбу соҳаларга оид кўплаб қонун ҳужжатлари қабул қилиниб, ҳаётга татбиқ этилаётганлиги ҳам фикримизнинг ёрқин далилидир.

Munosabat

Инсон ҳуқуқлари — доимий ҳимояда такомиллаштирилаётган миллий қонунчилигимиз айни шу мақсадга хизмат қилади

Таъкидлаш керакки, якунланаётган 2011 йилда қонун ижодкорлиги фаолияти, аввало, жамиятда қонун устуворлигини таъминлаш, давлат ҳокимияти ва бошқарувини демократлаштириш, мамлакатимизда фуқаролик жамиятини янада ривожлантириш, инсон ҳуқуқлари, эркинликлари ва қонуний манфаатлари

ни самарали ҳимоя қилишнинг энг муҳим кафолати сифатида суд ҳокимиятининг нуфузини мустаҳкамлаш, демократик бозор ислохотларини ва иқтисодий либераллаштиришни янада чуқурлаштиришга қаратилганлиги билан алоҳида аҳамият касб этади.

(Давоми учинчи бетда)

Qaror va ijro

Азалий қадриятларнинг ҳуқуқий ифодаси

Давлатимиз раҳбари Ислам Каримов тақдирномасига асосан Ўзбекистон Республикаси Олий Мажлиси Сенати томонидан шу йил 5 декабрда қабул қилинган **“Ўзбекистон Республикаси Конституцияси қабул қилинганлигининг ўн тўққиз йиллиги муносабати билан амнистия тўғрисида”** ги қарорда халқимизга хос инсонпарварлик, кечиримлик ва барқарорлик каби тамойиллар ўзининг теран ифодасини топган. Зеро, билиб-билмай эҳтиётсизлик оқибатида жиноятга қўл урганни кечириб азалий қадриятларимиздангир.

Ҳозирги кунда мазкур қарор ижросини изчил таъминлаш мақсадида мутасадди давлат ва нодавлат ташкилотлари ўзаро ҳамкорликда зарур ташкилий-ҳуқуқий тадбирларни амалга оширмоқда. Жумладан, жазони ижро этиш жойларидан қайтиши кутилаётган шахсларни иш билан таъминлаш, ёлғиз ва ёрдамга муҳтожларга тегишли ёрдам кўрсатиш, вояга етмаганларни ўз ота-оналари ёки васийлик ор-

ганларининг назоратига топшириш, тиббий ёрдамга муҳтожларга соғлигини тиклаши учун зарур шароит яратиш юзасидан тегишли чора-тадбирлар белгиланди. Зеро, озод этилаётган шахсларнинг жамиятга мослашишини таъминлаш уларнинг кейинги тақдирига ижобий таъсир кўрсатиши, ҳаётда тўғри йўл топшишларига ёрдам бериши шубҳасиз.

(Давоми учинчи бетда)

Фуқаролар манфаати тўлиқ муҳофаза этилмоқда

Ўтаётган йилда юртимизда бошқа соҳаларда бўлгани сингари суд-ҳуқуқ тизимидаги ислохотлар ҳам изчиллик билан амалга оширилди. Бу фикрнинг исботини суд ҳимояси самарадорлиги янада ошгани ва суд амалиётида инсонпарварлик тамойиллари янада кучайтирилганида ҳам кўриш мумкин.

Маълумотларга қараганда, 2011 йилнинг 9 ойи мобайнида фуқаролик ишлари бўйича судлар томонидан 257 мингга яқин фуқаролик ишлари, 1 миллион 220 мингдан ортиқ суд буйруғи чиқариш тўғрисидаги аризалар кўриб чиқилди. Суд буйруғи чиқарилган аризалар бўйича 424 миллиард сўмдан зиёд маблағларни ундириш белгиланди. Фуқаролик ишларининг 90,4 фоизи бўйича ҳал қилув қарорлари чиқарилди, шундан 95,2 фоиз иш бўйича даъво қаноатлантирилди.



Ўткир ХОЛОВ,
Олий суд судьяси,
«Дўстлик» ордени соҳибаси

Гулнора МИРЗААЛИМОВА,
Олий суд судьяси,
«Меҳнат шўхрати» ордени соҳибаси

E'tirof

Ўтаётган ҳар бир йил мамлакатимиз ижтимоий-сийсий, иқтисодий ва маънавий тараққиётида ўзига хос ёрқин из қолдирмоқда. Хусусан, тарихга қушаётганимиз — 2011 йил ҳам мустақил Ўзбекистон учун яна бир поғона юксалиш йили бўлди десак, асло муболаға бўлмайд.

Ёруғ ниётлар ва нурафшон манзиллар

Айтиш керакки, **“Кичик бизнес ва хусусий тадбиркорлик йили”** сифатида ҳаётимизда муҳим ўрин тутган ушбу йилда барча соҳаларда амалга оширилаётган изчил ислохотлар тадрижий равишда давом этгани, эришаётган ютуқ ва муваффақиятларимизга жаҳон ҳамжамиятининг ҳавас ва ҳайрат билан боққани, турмушимиз тобора тўқин ва фаровон бўлиб борагани билан аҳамиятга моликдир.

Айниқса, ўтаётган йилимизда инсон омилига бўлган эътибор янада кучайгани, фуқароларнинг ҳуқуқ ва манфаатларини тўлиқ рўёбга чиқаришга қаратилган бир қатор қонунларнинг қабул қилинган мамлакатимизнинг ривожланган демократик давлатлар қаторидан муносиб ўрин эгаллашига хизмат қилиши шубҳасиз.

(Давоми иккинчи бетда)



Шўхрат ДЕҲҚОНОВ,
Олий Мажлис Қонунчилик палатаси депутати

Эзгу мақсадлар йўлида

Истиқлолимизнинг дастлабки йилларида янги давлат ва янги жамият асослари яратилиши жараёнида Президентимизнинг ташаббуси билан муҳим бешта тамойил ҳаётга татбиқ этилди. Кейинчалик унв ё жамоатчилиги томонидан тараққиётнинг **«Ўзбек модели»** сифатида эътироф этилган машҳур беш тамойилдан бири, бу — қонун устуворлиги ва фуқароларнинг қонун олдида тенглиги тамойилидир.

Давлатимиз мустақиллиги йилларида йилдан ошган айни даврларда юқорида тилга олиб ўтилган беш тамойилга асосланиб амалга оширилган туб ислохотлар самараси хусусида фикр юритсак, қалбимизда фахр-ифтихор туйғуси уйғонади. Зеро, истиқлолнинг ўтган даврида давлатимиз, халқимиз асрларга татигулик бекиб муваффақиятларга эришди. Хусусан, қонун устувор-

лигини амалда таъминлаш борасида суд-ҳуқуқ соҳасида амалга оширилган ислохотлар туфайли инсон ҳақ-ҳуқуқларини ишончли тарзда ҳимоя этадиган суд ҳокимияти шакллантирилди. Бугунги кунда ушбу тизим халқимизнинг ҳақ-ҳуқуқи, эркинлиги ва қонуний манфаатларини қўриқлайдиган мустақил давлат институтига айланиб улгурди.

(Давоми учинчи бетда)

Қонун устуворлиги — ютуқларимиз асоси

Мамлакатимизда демократик ҳуқуқий давлат ва эркин фуқаролик жамияти асослари тобора мустаҳкамланмоқда. Бу борадаги муваффақиятларимизнинг асосий омиллари — давлатимиз раҳбари томонидан мамлакатни ривожлантиришнинг энг оқилона йўли танлангани, қонун устуворлигига эришилгани ва, энг муҳими, жамиятда инсон манфаатлари устун қўйилганлигидир.

Истиқлол йилларида ҳуқуқий-демократик давлатни шакллантиришнинг муҳим таркибий қисми бўлган суд-ҳуқуқ тизими қурилишининг мутлақо янги концепцияси амалда жорий этилиши натижасида суд ҳокимияти



Нурмат АХМОНОВ,
Олий ҳўжалик суди раисининг биринчи ўринбосари

жамиятда қонун устуворлиги ва инсон ҳуқуқлари ҳимоясини таъминловчи яхлит тизим сифатида тўлиқ шаклланди.

(Давоми учинчи бетда)

Муваффақиятларга бой йил

2011 йил мамлакатимиз учун жуда муваффақиятли келгани, ҳамма жабҳада улкан ютуқлар кўлга киритилгани ҳар бир юртдошимиз қаторида мени ҳам қувонтиради. Зеро, она-Ватанимизнинг равнақи, тараққиёти ҳар биримизнинг ҳаётимизда бевоасита намоён бўлиши шубҳасиздир.



Меҳридин РАҲМАТОВ,
Ўзбекистон Республикасида хизмат кўрсатган артист

(Давоми иккинчи бетда)

